

Broj: 01-02/2-1047/25 SK/AAA
Sarajevo, 10.07.2025. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
PREDSTAVNIČKI DOM
n/r gđin Dragan Mioković, predsjedavajući
n/r gđin Marijan Marjanović, zastupnik

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE
n/r gđa Edita Kalajdžić, sekretar

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno:		11-07-2025	
Org. jed.	Broj	Priloga	Vrijednost
05/1	02-	166	25

Predmet: Odgovor na zastupničko pitanje, **dostavlja se-**

Veza: Akt Predstavničkog doma Parlamenta Federacije BiH, broj: 05/1-02-166/25 od 03.04.2025. godine i akt sekretara Vlade Federacije Bosne i Hercegovine broj: 03-04-709-15/25 od 09.04.2025. godine

Poštovani,

Aktima broj i datum veze, Federalnom ministarstvu rada i socijalne politike dostavljeno je zastupničko pitanje koje je, na 19. redovnoj sjednici Predstavničkog doma Parlamenta Federacije Bosne i Hercegovine, održanoj 02.04.2025. godine, postavio Marijan Marjanović, zastupnik u Predstavničkom domu Parlamenta Federacije BiH, a u vezi ustanova socijalne zaštite. U skladu sa navedenim, dostavljamo odgovor kako slijedi:

U skladu s članom 4. Zakona o ustanovama socijalne zaštite Federacije Bosne i Hercegovine („Službene novine Federacije BiH“, broj: 64/22) Parlament Federacije Bosne i Hercegovine je osnivač pet federalnih ustanova socijalne zaštite i to:

1. “Ustanova za socijalno zbrinjavanje i zdravstvenu njegu - Bakovići”;
2. “Ustanova za socijalno zbrinjavanje i zdravstvenu njegu - Drin”;
3. “Ustanova za socijalno zbrinjavanje i zdravstvenu njegu - Ljubuški”;
4. “Ustanova za socijalno zbrinjavanje, zdravstvenu njegu, odgoj i obrazovanje - Pazarić” i
5. “Ustanova za socijalno zbrinjavanje, odgoj i obrazovanje - Sarajevo”.

U skladu s članom 66. stav (1) navedenog Zakona finansiranje federalnih ustanova socijalne zaštite vrši se:

1. iz naknada za pružene usluge;
2. iz budžeta Federacije u skladu s federalnim propisima o pripadnosti javnih prihoda;

3. iz subvencija, donacija i drugih izvora.

Stavom (2) istog člana propisano je da se sredstvima iz tačke b) ovoga člana sufinansira tekuće poslovanje onih federalnih ustanova socijalne zaštite koje iz prihoda ostvarenih na osnovu pruženih usluga nisu u mogućnosti obezbijediti svoje redovno funkcionisanje, kao i kapitalne investicije usmjerene na obezbjeđenje neophodnih infrastrukturnih uslova za funkcionisanje federalnih ustanova socijalne zaštite, socijalno zbrinjavanje i osposobljavanje smještenih korisnika za samostalan život i rad prema njihovim mogućnostima, te provođenje radne aktivnosti smještenih korisnika. Istim članom stav (3) propisano je da se posebni uslovi i način dodjele sredstava iz tačke b) stava (1) ovoga člana, kao i obaveze njihovih krajnjih korisnika utvrđuju godišnjim programom utroška sredstava koji donosi Vlada Federacije na prijedlog Federalnog ministarstva rada i socijalne politike uz prethodno pribavljeno mišljenje Federalnog ministarstva finansija.

Shodno navedenom, na svojoj 51. sjednici održanoj 27.03.2025. godine Vlada Federacije Bosne i Hercegovine je donijela Odluku o usvajanju Programa utroška sredstava s kriterijima raspodjele sredstava s pozicije „Tekući transferi neprofitnim organizacijama – sufinansiranje rada ustanova socijalne zaštite za zbrinjavanje na nivou Federacije BiH“, utvrđenog Budžetom Federacije Bosne i Hercegovine za 2025. godinu Federalnom ministarstvu rada i socijalne politike („Službene novine Federacije BiH“, broj: 25/25). Navedenom Odlukom o usvajanju Programa utroška sredstava Ustanova za socijalno zbrinjavanje, odgoj i obrazovanje – Sarajevo je identificirana kao federalna ustanova socijalne zaštite čije je tekuće poslovanje ugroženo nedostatnim prihodima od vlastite djelatnosti, imajući u vidu da je tokom prethodne godine udio prihoda Ustanove od vlastite djelatnosti bio ispod 70% u odnosu na ukupne tekuće rashode.

Ovo Ministarstvo također pruža finansijsku podršku ustanovama socijalne zaštite i kroz kapitalni transferer. Tako je na svojoj 194. hitnoj sjednici od 11.04.2025. godine Vlada Federacije Bosne i Hercegovine je donijela Odluku o usvajanju Programa utroška sredstava s kriterijima raspodjele sredstava s pozicije „Kapitalni transferi neprofitnim organizacijama - Ustanovama za zbrinjavanje na razini Federacije BiH“ utvrđenog Budžetom Federacije Bosne i Hercegovine za 2025. godinu Federalnom ministarstvu rada i socijalne politike („Službene novine Federacije BiH“, broj: 28/25). Sredstva s pozicije navedenog Kapitalnog transfera u ukupnom iznosu od 3.000.000,00 KM predviđena su za provedbu Programa podrške razvoju postojećih i uspostavljanju novih oblika socijalnih usluga, te poboljšanju uvjeta smještaja za korisnike i rada za djelatnike u svih pet ustanova socijalne zaštite na razini Federacije BiH.

Vezano za podzakonske akte čije je donošenje predviđeno članom 89. Zakona, informišemo Vas da, do danas, nisu svi doneseni iz razloga što je za njihovo donošenje potrebna uključenost ostalih nadležnih ministarstava. Konkretnije, spomenutim članom se tačno navodi ko donosi određeni podzakonski akt i koji podzakonski akt se donosi u saradnji kojih ministarstava. Federalno ministarstvo rada i socijalne politike je po stupanju na snagu pomenutog zakona, više puta i na različite načine intervenisalo kod ostalih ministarstava kako bi svi podzakonski akti, predviđeni članom 89. Zakona bili što prije doneseni. Napominjemo da, usljed ne donošenja navedenih akata, Federalno ministarstvo rada i socijalne politike, kao nadležno ministarstvo po

pitanju ustanova socijalne zaštite Federacije Bosne i Hercegovine, nije u mogućnosti dosljedno primjenjivati određene odredbe Zakona, kao ni vršiti adekvatan nadzor nad zakontišću rada ustanova.

Na kraju ističemo da je uz uvažavanje zahtjeva upravnih odbora ustanova socijalne zaštite za povećanjem cijena usluga korisnika ovih ustanova, Federalno ministarstvo rada i socijalne politike dalo saglasnost na povećanje cijena usluga korisnicima na smještaju u ovim ustanovama za 2025. godinu. Pri podnošenju zahtjeva za saglasnost na utvrđenu cijenu, upravni odbori ustanova su dostavili kalkulaciju cijena prikazanu kroz svaki stepen podrške u sva tri segmenta (socijalno zbrinjavanje i socijalna podrška, zdravstvene njege i odgoja i obrazovanja), što je kako je već navedeno, Federalno ministarstvo rada i socijalne politike smatralo opravdanim.

S poštovanjem,



Dostavljeno:

- Naslovu
- a/a